



KEMENTERIAN PENDIDIKAN TINGGI

SIARAN MEDIA

PELAKSANAAN BANTUAN PELAJAR PENDIDIKAN TINGGI BAGI TAHUN 2017

1. Dalam pembentangan Bajet 2017 pada 21 Oktober 2016 yang lalu, YAB Perdana Menteri telah mengumumkan di bawah perkara 229, bagi meningkatkan keberkesanan pemberian Bantuan Pelajar Pendidikan Tinggi, Kerajaan akan menggantikan baucar buku dengan kad debit pelajar.
2. Bantuan ini adalah tanda keprihatinan Kerajaan dalam usaha untuk membantu meringankan kos sara hidup pelajar.
3. Kriteria kelayakan Bantuan Pelajar Pendidikan Tinggi adalah seperti berikut:
 - a. Warganegara Malaysia;
 - b. Berada di Malaysia dalam tempoh pelaksanaan BPPT;
 - c. Sedang melanjutkan pengajian dan berstatus aktif **pada tarikh yang ditetapkan semasa pengumpulan data pelajar iaitu pada 31 Disember 2016**.
 - d. Sedang melanjutkan pengajian di Tingkatan 6, *Senior Middle* 3, Sijil Tinggi Agama Malaysia (STAM), Diploma Kolej Vokasional (Tahun 3 dan 4), Matrikulasi, Pengajian Asas (*Foundation*), Asasi, A-Level, Diploma, Diploma Lanjutan, Sarjana Muda, Sarjana, Doktor Falsafah dan kursus profesional yang **bertaraf diploma dan ke atas** yang diiktiraf oleh Kerajaan atau badan-badan profesional di Malaysia;
***(pelajar perlu menyemak kelayakan di IPT masing-masing).**
 - e. Menuntut di IPT di bawah seliaan Kementerian Pendidikan Tinggi (KPT) atau IPT yang telah berdaftar di bawah akta-akta yang berkuatkuasa; dan
 - f. Sedang melanjutkan pengajian secara sepenuh masa atau separa masa.
4. Pemberian Bantuan Pelajar Pendidikan Tinggi bagi tahun 2017 sebanyak RM250 akan disalurkan melalui Kad Diskaun Siswa 1Malaysia Debit (KADS1M Debit) daripada Bank Rakyat yang boleh digunakan untuk pembelian bahan bacaan, alat tulis, alatan komputer dan akses internet. Secara keseluruhan, Bantuan Pelajar Pendidikan Tinggi dijangka akan memanfaatkan seramai 1.3 juta pelajar.

Proses Permohonan Oleh Pelajar:

1. Permohonan dilaksanakan secara atas talian melalui laman web Bank Rakyat www.bankrakyat.com.my/bppt (bermula dari 16 Februari sehingga 31 Mac 2017).
2. Setelah permohonan berjaya dilaksanakan, pelajar PERLU MENUNGGU EMEL dari Bank Rakyat sebelum pergi ke Cawangan bagi pengambilan KADS1M DEBIT.
3. Masukkan NO PIN yang sebenar semasa proses pengambilan kad.
4. Lengkapkan pendaftaran Perbankan Internet i-Rakyat.

Dokumen yang diperlukan semasa pengambilan kad:

No	Umur di bawah 18 tahun	Umur 18 tahun dan ke atas
1.	MyKad (Asal & 1 Salinan)	MyKad (Asal & 1 Salinan)
2.	Kad pelajar (Asal & 1 Salinan)	Kad pelajar (Asal & 1 Salinan)
3.	Surat Kebenaran dari ibu / bapa / penjaga	
4.	1 Salinan MyKad ibu / bapa / penjaga, dan	
5.	Sijil kelahiran / sijil anak angkat pelajar/pelanggan (Asal & 1 Salinan)	

Nota :

- Bagi pelajar di bawah 18 tahun, sekiranya tidak membawa dokumen 3, 4 dan 5, cawangan TIDAK DIBENARKAN memberikan Nombor Akaun Simpanan-i dan KADS1M kepada pelajar.
- Surat Kebenaran adalah surat yang ditandatangani oleh ibu / bapa / penjaga yang membenarkan pelajar membuka Akaun Simpanan-i/KADS1M Debit di Bank Rakyat. Dilampirkan adalah contoh Surat Kebenaran.
- Bagi pelajar yang tiada kad pelajar, perlu menyertakan surat pengesahan daripada Institusi Pendidikan masing-masing.
- **Pekedai tidak perlu membuat permohonan pendaftaran bagi menerima pembayaran pelajar menggunakan KADS1M Debit.**

Untuk pertanyaan lanjut, boleh melalui e-mel ke bppt@mohe.gov.my atau menghubungi Urus Setia di talian seperti berikut:

- a) **Kementerian Pendidikan Tinggi** (UA/Politeknik/Kolej Komuniti/IPTS/ Institusi Pendidikan Tinggi di bawah Kementerian/Kerajaan Negeri)

03-88704361/5342/6488/4657

- b) **Kementerian Pendidikan Malaysia** (Sekolah/Kolej Matrikulasi/Kolej Vokasional/Institut Pendidikan Guru)

03-88847616, 03-88847081

Kementerian Pendidikan Tinggi

Putrajaya

21 Februari 2017